

نسخه سی ۱۰ غروشد

صاحبی، مدیری، محرری



اسلامك نفعنه خادم. مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظر دقتنه آئينير .

كلن يازيلردن شايان قبول كوردولنلر
تاصيح سيرا سيله درج ايديلير .

عدد : ۳۵

مخفصل

۱۳۳۸

دینی، علمی، ادبی، اجتماعی و شمیم بیک
شهری مجموعه در

۱۳۴۱ رمضان مخصوص نسخه

اداره خانه سی : آفسرایده
ملا کورانی محله سنده مهتر
سوقا غنده ۳ نومرولو خانه

مراکز وزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۶۰ غرویش
آلتی آلتی ۳۰ »

جلد : ۳

مذمرجات :

مخفصل دینی و علمی : رمضان شریف - طاهر المولوی . جمعه نمازی - طاهر المولوی . اوقات صلات -
احمد ضیا بك . دلم اسلام و عرقلر مسئله سی - سعدی بك . علم انواء - طاهر المولوی .

مخفصل ادبی : مناجات - صادق افندی . نایه و حضرت مولانا یه - طاهر المولوی . ایکی رباعی -
توقادی زاده شکیب بك . غزل - حسین و صاف بك . غزل - طاهر المولوی

مخفصل تاریخی : حضرت عائشه - فخر النساء کمال خاتم . جعفر بن ابی طالب - طاهر المولوی . اسعد
دده مرحومه دائر بعض خاطرات - طاهر المولوی .

سن ایدیجه بویله ای نخل معالی اهتزاز
ایلیور دلر اولوب جذبه یله مالی اهتزاز
قامت پر نور مهترک کورن ایلر قیاس
قیلماده طور تجلی نک نهالی اهتزاز
جنبش موزونکک حیرانی کوزلر ظن ایدر
انجذابک ایلیور روح مالی اهتزاز
منجذب اطواریکک شوقیه حتی ایتمه ده
مرغ سدره آشیانک شاهبالی اهتزاز
موجه دار اولدجه سن آهنگ ذکرالله ایله
فیض توحیدک ایدر بحر لاهی اهتزاز
نشوه بخش ایتدجه حضاره لیکدن اسم ذات
جانه اللهک ایدر اسم جلالی اهتزاز
سن تمایل ایتده پیش حیرتمده ایله سین
آشکاره برستون نور عالی اهتزاز

مست استغراق دیدارک اولوب ده طاهرک
قیلسین ای جذاب دل پڑ مرده بالی اهتزاز

محفل تاریخی :

بویوک قادینلر مزدن

حضرت عائشه رضی الله عنها وعن ابیها
ماضینک تاریخه کچن وقایعی آراسنده لایموت
شخصیتلریله ابدیاً روحلریمزده حرمت و تقدیس
ایله یاشایاجق بویوک قادینلر مزدن بریده حضرت
عائشه در .

زوجه پیغمبری حضرت خدیجه الکبرانک
ارتحاللرندن صوکره رسول اکرم ، چهار یار کزیندن
واکا بر قریشدن ابوبکر الصدیق حضرتلرینک
کریمه محترمه لری حضرت عائشه ایله عقد ازدواج
بویور مشلر ایسه ده ولیمه جمعیتی اوچ سنه تأخیر
ایلیهرک - هجرتدن سکز آی صوکره - اجرا
ایله مشلر در ...

زوجه پیغمبری حضرت عائشه رضی الله عنها

فطرة صوکره درجه ذکی و عرب اشعار و غننائنه
واقف برام المؤمنین ایدی . جناب پیغمبر کندیسنی
نهایتمز بر محبت و شفقتله سوهر ، مشارالیهانک هر
آرزوسنی حصوله کتیرمکی بویوک بر مسرت تلقی
ایدرلردی . مخدرات اسلام آراسنده جدآ پک
پارلاق بر موقع احراز ایدن بومقدس قادین دایما
جناب پیغمبرله برابر بولوندیغندن ، حضرت پیغمبرک
مختلف مسائل حقنده کی حدیثلرینی ایشیدیور
وتمامیله حفظ ایدیوردی . زیرا کندیلری کوردیکنی
آی آکلایان ، ایشتدیکنی دوغرو ضبط ایدن بر
قدرت ذکایه مالک ایدیلر . رسول الله افدمنر
کندیسندن بحث ایتدیکی ائنده جماعته « دینکیزک
اوچده ایکیسنی عایشه دن اوکره نیکز » بویورردی .
فی الحقیقه جناب عائشه نک ، فقیهه ، عالمه ،
أدبیه و شاعره لکی حقنده ابوموسی الاشعری
رضی الله تعالی عنه حضرتلری « بز احبابجه هر
هانکی حدیث نبویه استشکال ایدوبده حضرت
عائشهیه مراجعت ایتمشهک ، او ، حدیث حقنده
نزد مشارالیهاده معلومات مکمله بولوب حل شبهه
ایلمشزدر . » دیدکری کی ، کبار تابعیندن « عروه ،
حضرتلری دخی ، « بن ، کرک معانی قرآنده ،
کرک فقه و فرائضده ، و عربک علم اشعار و انسابی
حفظده حضرت عائشه دن اعلم کسه یی کورمه دم . »
بویور مشلر در .

رسول الله افدمنرک حیاتلرینه اشتراکله ،
کندیلرینه نشئه و سعادت بخش ایله یین زوجه
پیغمبری یالکیز والده اولوق شرفی احراز ایدمه .
دیکنندن کنیه دن محروم قالمشدرکه ، بین العرب
پک معتبر اولان بو عادتدن محرومیت ، کندیسنی
چوق متأثر ایدیوردی . بونی مشاهده بویوران
رسول اکرم افدمنر کندیسنک همشیره سی اسمانک
اوغلی عبدالله بن الزبیرک اسمیله کنیه لیمه سنه مساعدمه

نویور ملری اور زینہ حضرت عائشہ «ام عبد اللہ» دیہ
کنیہ لئیک شرفہ نائل اولمشدر .

رسالتپناه اقدمز حضرت عائشه يه اولان
 و نهايتمز محبتی « چوزولمز بر دوکوم » ديه
 تصوير ايده رلز، حتی، آراضیرا، رسول اکرمک
 درجه محبتی اوکره نمک ایچین حضرت عائشه
 طرفدن « چوزولمز دوکوم نه حالده؟ » ديه وارد
 اولان سه‌واله، جناب پیغمبر : « اولدینی کبی
 طوریدور، هیچ برتغیره اوغرا مادی . » جوابی
 ویره رک حضرت عائشه نی ممنون ایلرلردی .

کنجشکی، جاذبه سی، فضیلتی ایلا روح بیغمیری نی
مسرور و مسعود ایله ن، علوتی، علم و عرفانیه
دونک حیاتنده تاریخه کچن، بوکونک حیاتنده ده
برمفکوره کبی یاشایان بو، بویوک قادین-حیاته
دائما استحقارله باقیش، نه کینیشده، نه یاشاییشده
برقوق العاده لک کوروله مشدر. کندیسنی الکچوق
ممنون ایدن شیء، فقرایه و محتاج اولانلره معاونت
ایدی. بو فضائل اخلاقیه نی، پک کوزل اثبات
ایدن بر مثال اولمق اوزره عبدالله بن زبیر حضر تلی نیک
زمان حکومتنده کندیسنه کوندریلن یوز بیسک
درهمی ایچندن بر آچقه بیله افطاریه اولمق اوزره
آیرمیارق تمامیه تصدق ایله دکلیرنی جاریه سی
«ام ذره» نیک حکایه ایدر. «ام ذره» دیورکه:
اوکون بوتون مبلغ تقسیم ایدلش وغروب وقتی
اولشدی. بکا افطاریه کتیرمه سی أمر ایتدی،
بنده آمری وجهله بر مقدار خرما ایله بر پارچه
اتمک کتیردم، اوراده موجود اولان فقیرک بری
بوخرمای کورونجه: «یام المؤمنین، بوقادار مبلغی
تقسیم ایله ذکده، نه دن بر درهم بیله کندیسنه
آیرمادک» دیدی. جناب عایشه کوله رک: «نیچین
بونو بکا وقتیه خاطر لاتمادک.» جوابی ویردی...
ایشته؟ دور سعادت قی قدر تکار ذکاسله،

شعشعه سیله ، بویوک و علوی روحیه دولدیران جناب عائشه ، حضرت پیغمبرک حیاتنده بر ذره نور اولان یاشادینی کچی وفاتندن [*] صوکرده مخدرات اسلامک سوئمینه بر ییلدیزی اولارق تاریخه کچمش، و فضیلت اخلاقیه ، نجات روحیه سیله ده بو کونکی اسلام قادینلغنه بر نمونه امتثال اولارق تمیز و مقدس حسلریمز آراسنده ابدیاً یاشایاجق بر موقع ممتاز احراز ایله مشدر ...

جراح یاشا : فخر النساء کمال

بویوکار مضی دن :

مہمفر بہ اپی طالب

رضی اللہ عنہ

عم کریم نبوی جناب ابو طالبک - اسمیلہ
تکئی ایلہ دیکی - طالب ایلہ عقیل ، جعفر ، علی
اسمندہ درت اوغلی ، ام هانی و جمانہ نامندہ ایکی
قیزی واردی که هپسی ده (فاطمه بنت الاسد بن
هاشم) دن تولد ایتمشدی .

ترجمه سنی یازمق ایسته دیکم حضرت جعفر ،
 ابناء ابی طالبك او چنجیسی ایدی که برادر مکرمی
 جناب مرتضادن اون سنه اول ، دیگر قارده شلری
 عقیلدن اون و طالبدن یکر می ییل صو کراد و غمشدر.
 ذات اقدس رسالتك او توز یاشلرنده بولوندیغی
 صیراده [۱] حضرت علینك دو غماسنه ، جعفر كده
 اونندن اون یاش بویوك اولماسنه نظراً کندیسنك
 تقریباً ۵۹۰ سال میلادیسنه طوغرو تولدایله دیگی
 آ کلاشلر .

ابوطالبك چو جو قلدن بشي اسلامه كلش ،
اك مسئري اولان طالبك يالكمن اعتقادي دكل ،

[*] وفاتلری هجرت نبویه نك ۵۸ نجی سمنه سی
رمضان نك ۱۷ نجی كجه سندن در . آوزولری وجهه
جنة البقعه دفن اولونمشل در .

[١] ١٣ رجب ١٠ قبل البعثه يوم جمعه .